



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 134. Aliæ ejusdem Pontificis Constitutiones.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII
 A. C. 1668. Rosa de S. Maria Virgo Limana tertii
 Ordinis S. Dominici in vita & post mor-
 tem inclaruit, Clemens IX. Pontifex
 Maximus ad preces Hispani Regis, Re-
 ginæ Viduæ, & totius Ordinis Domi-
 nicanici indulfit, ut eadem in toto ter-
 rarum Orbe imposterum *Beata* nomine
 nuncupari, ejus Corpus ac Reliquiæ
 venerationi fidelium exponi, ac de ea
 sub ritu, ut vocant, duplici Officium
 & Missa ab utroque Clero Hispano, &
 Austriaco celebrari possit: Præfixit ejus
 celebritati diem vigesimam sextam Au-
 gusti. Die autem vigesima sexta Julii
 anno hujus sæculi septuagesimo Cle-
 mens X. hanc gratiam etiam ad Polo-
 niæ, Lithuanicæ, Russiæ, Borussiae,
 ceterumque Poloniarum dominiorum Cle-
 ricorum, demum vero die vigesima septi-
 ma Augusti ad omnes totius Ordinis
 Clericos extendit.

§. CXXXIV.

Alicæ ejusdem Pontificis Constitutiones.

Bull. 1. c.
 Const. 19.
 & seqq.

Præter hoc Beatificationis decretum
 insuper idem summus Pontifex plu-
 res edidit Constitutiones, quas inter
 die vigesima octava Martii indulfit, ut
 Cardinales etiam de bonis, redditibus
 & emolumentis Ecclesiasticis, necnon

de fructibus non consumptis, aut non commixtis cum aliis eorum bonis libere testari valeant, quantum vero per hanc testandi facultatem laudabilis priscusque bona ex Ecclesiis hausta in pios usus, & Ecclesiae decorem convertendi fervor elanguerit, testantur Romae tot Nosocomia, tot Ecclesiae & Domus in pauperum, oppressorumque levamen antiquis temporibus aedificata, ac fundata, cum tamen bona relicta novissimis hisce temporibus raro admodum in pios ejusmodi usus, saepissime vero in familiarum augmentum, Palatia, & hortos, equos & canes convertantur. Die autem undecima Aprilis idem Pontifex Congregationem jam ab Innocentio X. institutam confirmavit, quae Regularium negotia discuteret, ac dijudicaret. Cum vero Clemens VIII. prohibuisset, ne fratres Minimi, quamdiu ob infirmitatem cibis Paschalibus vescuntur, e suis monasteriis egrediantur, Clemens IX. hoc decretum ita temperabat, ut praedicti infirmi de consilio Medici & cum Superiorum licentia ad Balnea sese conferre possint. Insuper Ord. FF. Carmelitarum Generali Papa die vigesima Julii concessit, ut suis Fratibus Magistri honore insignitis Doctoratus Lauream conferre valeat. Praeterea Jesuitis indulgit, ne deinceps quo-

Saec. XVII.
A. C. 1668.

2. Juli
1668
Papae
Clem. IX.

Sæc. XVII. quovis Novennio Congregationem, quam
A. C. 1668. Alexander VII. præscripserat, celebrare
 teneantur, eo quod, ex parte Generali, ejusmodi Congregationes Societatis Constitutionibus adversentur, & occurrentibus necessitatibus jam aliunde per triennes Congregationes abunde provisum esset, & ingentibus expensis, vitæque periculis pauperes senes, & primarii Provinciarum Socii in ejusmodi itineribus exponerentur, atque ex horum absentia relaxaretur disciplina religiosa. Denique pro Christianis fidelibus Italiae & Status Ecclesiastici die vigesima sexta Septembris, & tertiae Octobris indulgentias plenarias concessit, ut divinum imploraretur auxilium pro tuenda urbe & Regno Crentensi versus Turcas, & pro felici compositione negotiorum in Regno Poloniarum.

§. CXXXV.

Diversæ S. Congregationum decisiones.

*Decis. S.
 Congr. Immunitatis
 Conc.
 Rit. Et.*

Post hæc Constitutiones Apostolicas ejusdem Pontificis jussu Secretariæ etiam Congregationes Romanæ varia ediderunt decreta, & quidem sacra Immunitatis Congregatio exorto in Constantina Ecclesia die vigesima quarta Januarii decidit, quod si bonis

Mentis